



CHAPTER 12. The American Revolution  
The American Revolution was a period of  
conflict between the thirteen colonies and  
Great Britain, from 1765 to 1783. The  
colonies fought for independence from British  
rule, and the war ended with the signing of  
the Treaty of Paris in 1783. The revolution  
was a turning point in American history, as it  
established the United States as an independent  
nation. The war was fought primarily in the  
eastern half of the country, with the British  
ultimately losing to the Continental Army.  
The revolution was a result of growing  
tensions between the colonies and Britain,  
including issues of taxation and representation.  
The war was a significant event in the  
history of the United States, as it led to the  
creation of a new nation.



IUSTI LIPSI  
(DE  
AMPHITHEATRIS  
QVÆ  
EXTRA ROMAM  
LIBELLVS.

*In quo Formæ eorum aliquot & typi.*



ANTVERPIÆ,  
Apud Christophorum Plantinum.  
CLC. IC. LXXXIV.

AMPHITHEATRIS  
 QVAE  
 EXTRA ROMAM  
 LIBELLVS.

In quo Formae earum abscit & ppi.



ANTVERPIAE  
 Apud Christophorum Plantinum.  
 clc. l. c. lxxxiv.





IVSTVS LIPSIVS

ABRAHAMO  
ORTELIO

SVO S. D.

**N**AE tu beneficâ quâdam  
naturâes, mi Orteli: qui  
rem omnem tuam libra-  
riam, tam promptè non of-  
fers mihi solùm, sed adfers.  
Vix inieceram de libellis  
aliquot: tu mihi promis largiter ex Obere tua  
pennæ, & ambabus, quod Græci dicunt, manibus  
donas. Amo iure, ut antea virtutem mode-  
stiamque tuam, sic prolixum hunc amorem nec  
diffiteor Usui mihi apparatus istum fuisse, ad  
meam hanc Arenam. Illa præsertim Serlij. quæ  
etsi ad Architecturam externam imprimis spe-



Etant (quam anxie hinc non quasiui:) tamen in-  
 fuere iis, quæ in formâ faci quæ ipsâ loci, gressus  
 meos vacillantes direxerint, aut firmarint.  
 Imagines enim aliquot talium monumento-  
 rum cum iudicio & fide representat: quorum  
 aspectus viam nobis in parte sternit, ad intel-  
 lectum veterum morum. Et quamquam ipsi  
 coram ea olim vidimus, & per biennium fe-  
 rè solum pressimus Domina Urbis: tamen,  
 ut adolescentia nostra tunc fuit, nec abdita il-  
 la & à fronte remota rerum penetrauimus;  
 nec cum accuratione excerpimus, quidquid ad  
 meliorem usum. Scilicet errauimus eundem erro-  
 rem, quem plerique hodie mihi compares: &  
 pueritiam adolescentiamque peregrinationibus  
 dedi, quæ iudicium & dilectum profecto que-  
 runt. id est, virum. Quot mihi in animo &  
 oculis ex istis, qui varias terras & maria cir-  
 culati sunt? adeo cum nullo suo fructu, ut ple-  
 rique vitia tantum imbiberint, & animi cor-  
 porisque morbos. Partem eorum Scylla qua-  
 dam libidinum abripuit: partem Charybdidis  
 aliarum voluptatum. Nos ipsi quod salui fre-  
 tum



tum hoc enauimus; nunquam alteri adscripserim, quàm Bono meo deo. Iam illi ipsi qui rem fecisse sibi atque aliis videntur, quid referunt ex hoc mercatu? externos gestus, simulationes, linguas: boni moris ac virtutis, pauci igniculum aliquem aut semen. Atque ut Appion ille, falsò polyhistor, cum Homerum ab inferis magno molimine euocasset, nihil eum interrogauit nisi, Vnde domo? sic plerique istorum adolescentium, in occasione præclara discendi, futilia tantum consectantur. Itaque ut veram peregrinationem laudo, susceptam maturo iudicio, maturo auro: (dux enim illa, non nego, ad prudentiam & rerum usum:) sic iuuenilem & vanam hanc iure abhorreo. quæ mihi similis longæ navigationi videtur, sine metâ, sine portu. Iactantur in naui, circumaguntur variis ventis: & cùm ad terram & ad seipsos flectunt oculos, vident non multum se, sed diu nauigasse. Sed aberro, & in hoc peregrinationis sermone à re meâ ipse peregrinor. Domum & ad me, imò ad te redeo: cui donum mittimus, Imaginum eiusmodi aliquot Am-



phitheatralium delineationes. Ac plura sanè  
superesse scio in Italiâ, Hispaniâ, Galliâ: sed  
cum omnia ferè ad par exemplum, quid opus  
pluribus exemplis? Illustria aut nouata sumpsi:  
& dono per se tenui & non-dono, bracteam  
aliquam verborum circumdedi, & velut lu-  
cem nostræ interpretationis. Tu, mi Orteli,  
paruum hoc, sed non fallax animi mei mo-  
numentum habe. monumentum, cui, ex vetere  
formula, DOLVS MALVS ABEST. Vale.

I. LIPSII




## DE AMPHITHEATRIS

QVÆ EXTRA ROMAM

LIBELLI,

CAPVT PRIMVM.

*Amphitheatra crebra admodum in prouinciis  
fuisse: eorūque aliquot recensio.*



I ædificij aut publici operis vllum  
genus crebrum in Italia & pro-  
uinciis fuit: reperies hoc fuisse,  
quod ad ludos. Vtenim Roma-  
ni victis gentibus linguam &  
mores intulere: sic vitia. hæc præsertim, quæ  
blandiebantur, & admissionem sibi postula-  
bant specie quadam amœnæ voluptatis. Ita-  
que Theatra, Circi, Stadia exstructa passim:  
sed imprimis Amphitheatra, quia omnis plebs  
dedita maximè in spectaculis illis crudis &  
cruentis. Historiæ passim docent, & Christia-  
na item Martyrologia; in quibus toties mentio  
puri illius sacrique sanguinis in ferinâ hac sede  
effusi. Quod si tamen non ingerant libri: cer-  
tè oculi. cum etiamnunc ruinæ & reliquæ  
vbique occurrant infelicium locorum. Et de  
aliis prouinciis dubitemus? Ecce Iudæa illa-  
ipsa

Amphithea-  
tra passim in  
prouinciis.

Plebs addi-  
cta sævis lu-  
dis plerum-  
que.

Martyres ob-  
iecti bestiis.

In ipsa Iu-  
dæa, Amphi-  
theatra.



Herode stru-  
ente.

ipsa conscia dei veri, dei magni, in hanc culpam  
uenisse reperietur: quamquam sine suâ panè  
culpâ. Herodes enim, magnificus sanè & cete-  
ra illustris rex, non vno loco Iudææ Amphi-  
theatra inædificauit: siue ipse pronus in eos lu-  
dos, siue studio quodam hac quoque parte pla-  
cendi Romanis. Exstruxit in ipsâ vrbe sacrâ,  
ἐν τῷ πεδίῳ, vt Iosephus ait, Ἀμφιθέατρον μέγι-  
στον. Item Cæsareæ, ait idem scriptor, ἀμφιθέατρον  
κατασκευάσας πολλὸν ὄχλον ἀνθρώπων δέχεσθαι δυνα-  
μενον.

In orbe item  
toto Roma-  
no.

Nec de Græciâ mihi aliquis dubitet,  
Africâ, Asiâ, Hispaniâ, Galliâ; non certè is,  
qui res & mores in parte norit sæculi vetusti.  
Audeo adfirmare, raram aliquam siue colo-  
niam siue municipium fuisse, in quæis non &  
ludi isti, & ludorum simul sedes. Adeò velut  
tabes quædam, animos omnium peruasêrat lu-  
dicrum istud studium, an furor. Itaque vix  
aliqua prouincia etiam nunc est, in qua non

Reliquæ id  
docent.

vestigia Amphitheatrorum: quædam obscura  
& fugientia longo æuo, quædam clarius ex-  
stantia & viua in parte. Quorum non equi-  
dem accuratum Indicem polliceor: (multa me  
fugiunt, scio:) sed pauca tantùm fidei causâ  
subiiciam, visâ nobis aut firmiter audita.

Index Am-  
phitheatro-  
rum aliquot,  
quæ hodie.

Exstat igitur hodieque in Italia, ad Lyrim  
Campa-



Campaniæ fluuium (Garigliano nunc dicunt) iuxtà \* Minturnas, pars Amphitheatri latericij \* Hodie Traiecto. benè conspicua.

Exstat secundò, Puteolis, pariter Amphitheatrum latericium.

Tertiò, Capuæ, sed magnificum & è solido marmore.

Quartò, Albæ in Latio; è quâ materiâ (non enim vidi aut accepi) mihi incertum.

Quintò, Oriculi, in Vmbria. materiem ignoro.

Sextò, Veronæ pulcherrimum: cuius plenior descriptionem, vnà cum designatione mox dabo. Hæc, quod sciam, in Italiâ.

At in Græciâ etiam, Athenarum veterum solo conspici aiunt magnificum & marmoreum.

In Istriâ, Polæ ad mare Hadriaticum: quod item mox subiiciam.

In Hispaniâ, Hispali extrâ muros, nisi fallor: pulchrum, sed cuius formam nancisci mihi non fuit.

In Galliâ, Perigeusij in Petrocoriis (vrbem eam, Vesunam Ptolomæi fuisse volunt) pulchrum & satis integrum, extrâ moenia. cuius icunculam vidi, sed parum exactam aut certam: ideoque mihi non ponendam. E lapide  
b quadrato



quadrato est, & Arenæ eius longitudo xxx. per-  
ticarum, latitudo, xx.

Arelate etiam esse aiunt, sed parum inte-  
grum.

Burdegalæ exstat, quod vidēre multi: nec  
descriptionem tamen sum nactus.

Nemausi est celebre & notum, cuius infrā  
do formam.

Ad Ligerim mirum, & quod miror haud sa-  
tis notum: cuius item do formam.

Hæc præcipua, quæ satis quidem certò acce-  
perim, in nostrâ Europâ. nisi quod aiunt etiam  
in Heluetiis exstare, Auentici, nisi fallor.

Amphithea-  
tra, vulgò  
Arenæ.

Dignum autem nota, quod etiam hodie hæc  
omnia ferè loca, Arenas appellant: retentâ pri-  
scâ scilicet & vulgatâ voce.

## CAPVT II.

*De Veronensi Amphitheatro: Et primò, quan-  
do, vel à quo structum.*

Veronense,  
marmoreū.

P O S T illud Romanum, inter pulcherrima &  
integerrima Veronense Amphitheatrum ef-  
se fatemur. quod è marmore totum. Quando,  
& quis struxerit, multi & diu quærun. Torel-  
lus Sarayna, qui Veronam suam descripsit ad-  
fectu

fectu magis eximio, quàm successu, suadet nobis valdè vetus esse & structum ante tempora Augusti, aut certè illisipis. Sed argumenta huic rei quæ adfert, non sunt profectò à dea Pitho. quæ recensèbo & refellam breuiter; vt in re ludicrà per lusum. Iamprimum hoc sibi sumit, Amphitheatrum antiquius esse quàm Theatrum, quod ibidem conspicitur iuxtà Athesim flumen. At theatrum hoc exstructum est, inquit, ab Augusto. magis igitur Amphitheatrum. Item: lapides in eo aliquot tauri effigiem habent insculptam. taurus autem, symbolum Augusti: quoniam & in nummis expressus, & natus ipse ad Capita bubula, vt Suetonius testatur. clarum igitur Augusti hoc esse opus. Sed & lapis alius Veronæ, qui præfert, OCTAVIÆ C.F. ET. SORORI. CARISSIMÆ. constat verò Octauiam hanc sororem fuisse Augusti. Denique duodetriginta colonias per Italiam Augustus deduxit, easq. variis operibus instruxit, narrante Tranquillo: inter eas Veronam fuisse, nihil ambigendum. En argumenta, è plumbo an è vitro? Nec refellam, nisi libeat mihi paullisper ridere mimicum hunc risum. Ait primò, Amphitheatrum antiquius theatro esse. Non credo. & caussa hæc, quia

De æno eius  
quæ situm.

Quidam ad  
Augustum  
referunt.

Leuibus his  
argumentis.

Quæ refuta-  
mus.

Amphithea-  
tra posterius  
nata, quàm  
theatra.



vbique ferè locorum, ludi scænici priores origine & vsu muneribus istis: igitur & eorum sedes. Quid opponis? tauros. & illi, inquis, insculpti in hoc opere. Quid tum? nempe vt ornamentum operis, non vt auctoris indicium. Quod si omnia ad Augustum trahes, vbi tauri: quis finis? Etiam Nemaufense illud gloriabitur structore Augusto. Sed tamen hoc eius Principis symbolum: quoniam nummi Augusti, cum impresso tauro. Etiam aliorum, ô bone senex; quia taurus siue bos coloniae deductae nota, non peculiare aliquod signum. At enim Augustus natus ad capita bubula. O tu quoque inter ea! & ignosce. non enim vltra comprimam hunc lienem: non, si ego obiiciendus vero tauro. Sed in Octauia etiam es suauior. ais illam fuisse sororem Augusti. Quis tibi fecit indicium? ego imò illum lapidem sepulcralem fuisse verius auguror, & municipalis alicuius Octaviae: non illius Principalis, quae mortua & sepulta Romae. Nam de coloniis, & per eas Augusti operibus sparsis: communiter non negamus. ad Veronam tuam si adstringis, opus sit alio teste. Sed ecce quoque eum, inquis. Nam Cyriacus Anconitanus in Itinerario suo scribit his verbis: *Denique Veronam feracissimam*


Taurina capira, parerga operum sunt.

Bos in Nummis Coloniae notat.

Cyriacus cum Torello facit.

Et an-

AMPHI. TH. VERONENSE.







*Et antiquam civitatem venit, ubi non exigua veterum monimenta comperit, præsertim Labyrinthum quod Arena nunc dicitur. Et habetur quod constructum fuerit anno imperij Octavianæ Augusti trigesimonono. Cuius pars exterior terramotibus corruit.* Tibicen hic aliquis, fa- Sed ei quoq. fides abrogata.  
 teor: sed parum firmus. Famæ enim innititur: quæ in his talibus, plurimum fallax. Et cur credam Augusti ævo structum in coloniâ hoc egregium opus: cum ne Romæ quidem tunc fuerit, & in vrbe matre? Nam Amphitheatra mansura & lapidea tardè ibi cœpère, & sub Augusto. Valdè autem verisimile, exemplum illinc manasse ad vrbes subditas & minores: non autem contrà. Itaque Taurello nostro siue Cyriaco, nihil adsentior de tam grandi ævo. Ægrè etiam Carolo Sigonio prælustri viro, qui nimis Sigonij opinio super hac re, lib. I. Hist. occid.  
 novitium facit, & refert ad Maximiani ævum: hoc solo argumento, quod is in viciniâ pleraq. condiderit ampla & magnifica, Mediolani, Aquileiæ, Brixia. Ego, etsi certus sum nihil in Denique, mea.  
 hac re esse certi, tamen paullò antiquius quàm pro illo Principe suspicer. Primùm, quia iam- tum Plinij Secundi ævo, Gladiatorum & Ferrarum spectacula Veronæ satis crebra. præit ipse in \* Epistolis, in quadam ad Maximum \* lib. v. 1.



Placentiæ  
egregium  
olim Amphitheatrum.

Africanum. Deinde, Othonis & Vitellij principatu, Placentiæ vicinisque opidis insignia Amphitheatra fuisse scio: quæ minus tunc Veronæ? Certè de Placentino, egregium testimonium Corn. Taciti, secundo Historiarum:

*In eo certamine PVLCHERRIMVM AMPHITHEATRI OPVS situm extrà muros conflagrauit. siue ab oppugnatoribus incensum, dum faces iaculantur: siue ab obsessis, dum regerunt. Municipale vulgus pronum ad suspiciones, fraude illata ignis alimenta credidit à quibusdam VICINIS COLONIIS, inuidiæ emulatione, quòd NVLLA IN ITALIA MOLES TAM CAPAX esset. Vbi & laudes eius ampli operis amplas vides: & simul (si attendis) crebra iam & vulgata per Italiam Amphitheatra fuisse. Sed quod combustum Placentinum illud ait: fortasse hæreas. & quid? fuitne igitur ligneum? De toto, non opinor: de parte, suspicor: eâ scilicet, quæ subsellia & gradus internè complexa. At exteriora omnia, firma & è lapide fuisse censeo. ni fuissent: cur vt de magnâ iacturâ aliquâ historicus noster questus? Fuerit igitur ad eam formam, ad quam Polanum illud, quo de infra. Nec plura de ortu Veronenfis Amphitheatri dico, aut magis certa. En ipsam Formam:*

Quâ materie fuerit, & quomodo amburi facile.

non

non eam prorsus quidem vti nunc conspicitur, sed adiutam, vt solet, leuiter ab antiquariis & architectis. Ex iis enim quæ restant, facile conceptu totum opus & designatu.

Huc pertinet Figura Amphitheatri  
Veronensis.

CAPVT III.

*Descriptio eius distincta magis, & dimensio.*

**A**DDAM nonnulla quæ ad formæ eius intellectum: & quod penicillus non potuit, calamus hic mihi explebit. Paries totus exterior (Alam vulgò vocant) è marmore est, opere quod Rusticum dicitur factus. Diuiditur in Arcuum tres ordines, qui alij super alios scandunt. Quisque ordo, Arcus continet siue fornice septuaginta duo. In supremo ordine, statuarum olim columnis adsitæ vel insitæ potius, vti vestigia docent. Suprà eum ordinem, paries adsurrexit, in quo fenestræ grandes, quadratæ,  
LXXII. Earum vsus, me quidem iudice, ad aërem & lucem hauriendam, cum Amphitheatrum velis tectum. siue etiam ad ventum: quia refrigerio certè opus, in æstu, & concursu tot animarum. Nec alius huiusmodi foraminum vsus censendus, in illo etiam Romanò.

Marmoreū  
Veronense  
Amphitheatrum.

Triplici ordine arcuū.

Statuarum ad  
columnas  
superas.

Vsus fenestrarum  
quarundam.

Arcuum



Magnitudo  
arcuum.

Arcuum dimensio, auctore Sebastiano Serlio  
eximio architecto, hæc. Primi arcus altitudo  
pedum  $xx\ i\ i\ i$ . latitudo,  $xi\ i$ .

Columnarum vtriusque altitudo, pedum  
 $xx\ vii$ . Epistylj deinde, Zophori, Coronicis,  
pedum circiter  $vi\ i\ i$ . & s.

Altitudo secundi arcus, pedum  $xx\ i\ i\ i\ i$ .  
latitudo,  $xi\ i$ . Columnarum eius altitudo ped.  
 $xx\ vii$ . s. Epistylj, Zophori, Coronicis, pedum  
 $ix$ . s.

Tertij arcus altitudo, pedum  $xv\ i\ i$ . s. lati-  
tudo  $ix$ . s. Columnarum,  $xx$ . s. Coronicis,  $v$ .

Porticus tri-  
plex iuncta.

Earum men-  
suratio.

Portæ plures  
in Amphi-  
theatro.

In parte imâ (ad terram enim iterum descen-  
do) triplex continuatur Porticuum ordo, quæ  
ambiunt & sustinent totum opus. Ex iis, Por-  
ticus extima, lata pedes  $xi\ i\ i$ . Media, pedes  $ix$ .  
s. Intima, pedes  $vi\ i\ i$ . s. Ex hac, portæ siue  
aditus decem & octo in Arenam. interque eas  
duæ grandiores oppositæ, quæ longissimum  
Amphitheatrum est. quarum latitudo, pedum  
 $xi\ i$ . vnciarum  $vi$ . At Arenæ ipsius longitudo,  
Perticæ continet  $xxxv\ i\ i\ i\ i$ . latitudo,  $xx\ i\ i$ .  
ita vt in perticâ pedes numeres  $vi$ . Gradus spe-  
ctaculorum (\* Torello definiente) non plus qua-  
dragintaduo: alti singuli pedem & vncias  
 $i\ i$ . lati, pedes.  $i\ i$ . Excipio quod in media ca-

Eius dimen-  
sio interior.

\* Alij tamen  
plures vo-  
lunt.

Graduum  
numerus &  
dimensio.

ueâ, gra-

ueâ, gradus vnus est excelsior: (vnum dico, ex Torelli mente. nam qui Formam hanc nostram concepit, tres adnotauit.) qui altus Pedes II. vncias. VI. Eum, Præcinctionem siue Diazoma censemus. At Scalares gradus, qui ad Vomitoria: minores scilicet, quàm illi sessiles, nec alti plus quàm vncias VII. lati tamen adæquè accessiles. Sedere in his Gradibus potuère, Torelli calculo, hominum ad *viginti tria millia centum octogintaquattuor*: ita vt singulis pes & medius adsignetur ad sessionem. Harum omnium mensurarum auctores mihi Torellus & Serlius: nec in re quæ manuum & lineæ est, fidem meam ego temerè obstringam. Plura & magis minuta quisquis voles, apud eos vide.

Præcinctio.

Scalaria.

Quàm capax cauea tota fuerit.

Auctores, quibus hæc nitor.

## CAPVT IIIII.

### *De Amphitheatro, quod Pola.*

POLAM urbem Istriæ maritimam esse scimus, coloniam Romanorum priscam, & quæ Iulia Pietas olim dicta. In hæc vestigia & reliquiæ multæ antiquorum operum: duûm-que imprimis insignium, Theatri & Amphitheatri. Vtrumque Seb. Serlio accuratè descriptum: cui viro præter proprias laudes, obuen-

Pola ad mare superum.

Seb. Serlij laus.



Item Philandri.


Nova forma Polani Amphitheatrî.

Semilapideū fuit, & semiligneum.

Intus hodie vacuum: lignis videlicet igne, vel quâ aliâ vi, absumptis.

ticia illa accedit, quòd doctor & ductor fuit ad Architectonicen, Guilielmo illi Philandro, viro verè perito & apud magnos magno. Sed hoc Amphitheatrum Polanum aliâ quâdam formâ & facie structum, quàm ea quæ alibi videmus: ideoque iure me allicuit ad exprimendum. Non enim è lapide aut vno opere tota moles fuit: sed exterior tantum pars, quæ lapide quadro adfurgit cum columnis suis, opere item Rustico facta. At interiora omnia membra, subsellia, aditus, gradus, podia, è ligno fuisse certum est; & pro tempore construi potuisse, destruique. Itaque hodie totum illud internum vacuum apparet, nudo tantum muro: & quod in tabellâ nostrâ expletum hîc vides, à manu est & mente Serlianâ. Situm est in vrbe mediâ, ad montem; totiusque operis dimensiones pete, si voles, ab eo quem dixi, accurato architecto.

AMPH.





## CAPVT V.

*De Amphitheatro Nemaufensi.*

Nemaufense non omnino inter maxima.


\* Vtrobique hic Amphitheatra nominat Eusebius in Eccl. Histor.

Ortus eius ignotus.

NOTI hoc nominis & celebris, non per Galliam solùm, sed per Europam. Et credunt multi eximium etiam olim opus fuisse: non ego, qui scio maiora multò & operosa magis habuisse \* Lugdunum, Viennam, & nobiles illas Galliæ vrbes. Præ quibus, quid Nemaufus? Nomen tamen non iniuriâ retinet: quia & pulchrum est quod satis sit, & integrum magnâ parte. Quando vel à quo structum, nescimus: nec nugari mihi aut rixari iterum cum aliis lubet. Formam eius saltem dimidiatam hîc appono. cetera vide & quære apud Iohannem Poldum Albenatem, in libro quem inscripsit Antiquitates Nemaufi.

AMPHE

AMPH. NEMAVS.





## CAPVT VI.

*De Amphitheatro, quod ad Ligerim,  
iuxta Doueonam.*

Diu irreper-  
tum Amphi-  
theatrum, &  
tamen re-  
pertum.

AMPHITHEATRUM mihi superest mirum,  
nouum: & quod latêre tamdiu in illâ Gal-  
liæ luce potuisse vix fides. Nullûmne ex tot  
curiosis & auidis ingeniis vidisse, notasse, prodi-  
disse? nullum. Itaque fateor. cum delata pri-  
mum ad me res fuit (delata autem ab Cornelio  
Aquano, viro eiusmodi monumentorum vete-  
rum diligente:) hæsi, medius inter credendi te-  
meritatem & pudorem reiiciendi. Valdè enim  
ille adseuerabat. & simul Forma, quam offere-  
bat, videbatur non esse nouitiæ aut calidæ in-  
uentionis. Tamen etiam hærebam. donec per-  
ueni ecce ad caput ipsum famæ huius & for-  
mæ; qui non auribus suis, sed oculis sensibusq̃.  
id credi volebat. Cur repugnarem? vidisse seriò  
adfirmabat, calcasse, deformasse. Is fuit Læui-  
nus Kerfmakerus, vir grauitate & doctrinâ  
apud nos notus: qui in finitimis huic Amphi-  
theatro locis, aliquot annos egit. Non semel  
ipse lustrarat, non semel cum eo alij: quos etiam  
nunc viuos nec procul positos, testes aduocabat  
obseruationis suæ & dimensionis. Itaque ausus  
sum

Quis mihi  
auctor huius  
descriptionis  
torius.

sum hac fiducia Formam totius operis dare & descriptionem : quæ à mente quidem & linguâ alienâ erit, à stilo tamen & ordine nostro. In quo siquid peccabo, designando aut diimetiendo : quæ mea culpa esse potest, præter credulitatem : quam non nimis herclè deprecor ; quoniam reuera, vt Comicus ille ait,

\* Αὐτὴ γὰρ χεῖρ ἐστὶν ἀδελφεῖ ἢ νότῳ.

\* *Hic monitus  
est operis  
boni amicus.*

Est igitur hoc Amphitheatrum, quod dico, manu quidem & arte humanâ factum ; sed ita, vt videri possit à naturâ. totum enim excisum & cauatum est in monte, sine externâ vllâ materiatione calcis, lapidis, ligni. Mons in quo & è quo id est, abest plus minus diei mediæ itinere à Ligeri fluuio, parte eâ quâ ab Andegauis in Pictones itur : vbi pons priscus, quem \* Cæsaris aliqui appellant. Pagus haud procul inde, qui dicitur \* Douæus. Mons est lapideus totus, cuius generis ibi plures : sed lapide tamen non planè duro, quiq; cæsura & ferrum faciliè admittat. Color ei, qualis Tyburtino : è quo Titi Romæ Amphitheatrum est. Magnitudo montis, milliare Gallicum in latitudine ; in longitudine, duo circiter continet. sed ea tamen facies, vt in edito satis planus & iacens sit, & ab lateribus vtrimq; clementer adsurgat. Cortex, vt sic

*Semi-nati-  
uum Amphi-  
theatrum.*

*Vbi id situm.*

\* *Vetus pons  
de Sey.*

\* *Gallus,  
Douce.*

*Montis de-  
scriptio.*



Quâ parte  
erit, hoc  
opus.

Gradas in  
margine, &  
à margine  
summo.

\*Iſque cum  
ſuis portis &  
ianuis. Non  
enim hic vo-  
mitoria vlla  
aut Aditus  
alij in gradi-  
bus.

Gradas gra-  
mine obſui  
& terrâ.

vt ſic dicam, & tegumentum vniuerſi montis, è  
terrâ eſt: viſcera tantùm è lapide. ideoque non  
gramine ſolùm, ſed ſegete ſæpè veſtitur. In  
ſummo, ſed paullò tamen ad latuſ, hoc Amphi-  
theatrum repperis; haud facillimè tamen, quia  
etiam præſcios, niſi intendant animum, fallat.  
Cum enim ſupernè deſpicias; cauum aliquem  
aut puteum cenſebis, ex iſtis qui ob lapidum  
excidia vulgati ibi & crebri. Atqui aliud pro-  
fectò opus eſt; & à Dædalo quopiam acutè in-  
uentum, adfabrè factum. Gradas ſubſelliorum  
à ſummo margine ſtatim incipiunt; minuun-  
turq. vt ſolet, paullatim euntes in decliue. A  
ſummo, dico, incipiunt: vt nunc quidem adſpe-  
ctus eſt. olim vix ambigo, quin cancelli aut  
\* murus aliquis circumpoſitus fuerit, ſiue ad  
ornandum ſiue magis ad ſeruandum. Aliquid  
enim certè ſepimenti fuiſſe debet, ad pecudes  
arcendas & petulcos. At nunc tamen deſcen-  
dens, pedem ſtatim ponis in iſtis gradibus: quo-  
rum, primo initu, confuſus ſatis adſpectus. Ter-  
râ enim & puluere cottidie complentur: quæ  
ventus inuehit aut imber. Itaq. gramen etiam  
ibi paſſim: & formoſa olim nec ad hunc uſum  
loca, perambulant informes oues. Qui hæc no-  
bis narrauit, addebat, cultris & ferramentis ea  
omnia

omnia à se & comitibus perpurgata, vt formam intuerentur exactè. Gradus aiebat esse numero, LVI. Lineam dimetientem in summo gradu, longam pedes CCXXX. At ab imo gradu, statim sequitur murus, qui Podium attollit & Arenam claudit : estque altus pedes IX. Inde area : & in eâ mediâ (præter morem quidem omnium eiusmodi theatrorum, quod sciam) tumulus quidam rotundus, eleuatus, ex eodem lapide : altus pedes. VII. aut paullo amplius : longus in diametro, pedes. XXX. Is planus in superficie & æquus; excipio quod ad oras à medio paulum vergit & declinat. In eo ipso tumulo, æquis interuallis, foramina quædam rotunda item, lata pedes V. quibus imposita vel adiuncta putealia (omnia, semel dictum volo, ex vno eodemque lapide) paullo grandiora quàm ipsa foramina; vti necessum, contrà illapsum. His putealibus inserti annuli crassi ferrei fuere, (vestigia & ærugo clarè docent:) vt baculo iis inserto, admoueri possent vel amoueri. Nam aliàs, pondus iis satis grande, quodque duo homines ægrè commouerint. Hæc foramina velut ostiola sunt, quæ per scallas quasdam coclides siue incuruas, ad Viam infra ducunt de quâ mox dicam. Scalæ igitur d. totidem

Eorum numerus.

Amplitudo loci in summo.

Podij murus

Arenæ, &amp; in ea tumulus.

Foramina in tumulo.

Putealia, ad ea tegenda.

Scalæ, ad ostiola.



Foramina  
alia ad lucē.

Cavus in  
medio tu-  
muli.

Cuiusui.

Arenæ reli-  
quæ forma.

Cubicula ad-  
iuncta Am-  
phitheatro.

totidem, quot foramina: quæ singulæ gradi-  
bus non magnis XIII. constabant. In orbem  
tumuli, in ipso muro, foramina quadra exse-  
cta, quæ Scalis illis lumen infundebant ad a-  
scensum aut descensum. Foramina hæc singu-  
la, ita collocata, ut vnum seruire Scalis dua-  
bus possit; velut ex Icone vides. At in meditul-  
lio ipso huius tumuli, cavus est rotundus siue  
puteus: quem ambigebat meus doctor anti-  
quūne diceret, an ab histrionibus illis factum,  
de quibus mox referam. Certè ij vsi sunt ad  
malum defigendum: à quo funes dependērent,  
& per eos fluitantia vela. Formæ nostræ scul-  
ptor haud satis aptè id expressit: captu alioqui  
prorum.

Circa hunc tumulum, ut dixi, depressior  
multò Area ambit: quæ lata vndiq. vsque ad  
murum podij, pedes. x v. Ita diametrum totius  
Arenæ esse oportet, pedum Lx.

Hæc Amphitheatri ipsius imago. at iuxtà  
ipsum, in eius latere bina grandia & rotunda,  
siue Cubicula siue potius Cameræ occurrunt:  
in eodem illo lapideo monte seorsim excisa.  
Forma eorum velut pillei nautici, siue prisca  
Romani. Lata sunt in imo, pedes Lxx. sed in  
altum paullatim arctantur. In fastigio vtriuf-  
que

que Foramen patet rotundum, grande pedes  
 ix. quod ad lumen infundendum seruit: pror-  
 sus eo modo quo Romæ, in Agrippæ vidi-  
 mus templo. Cubicula hæc, cetera paria sunt:  
 hoc differunt, quòd vnum, aditus peregrè  
 habet; alterum, non habet. Ita enim sita sunt,  
 vt alterum Internum videatur, alterum Exter-  
 num. Per hoc, in illud ingressus patet, per bre-  
 uem & fornicatam viam: aliàs vndique clau-  
 sum. At Externum aditus siue vias habet tres.  
 Prima ducit subterraneo meatu ad Tumulum  
 qui in Arenâ, & per Scalas illas ad ostiola ten-  
 dit. ita vt infrà gradus omnes subselliorum to-  
 tumque Amphitheatrum abeat, vti cogitanti  
 clarum. Longitudo primæ huius viæ pedes  
 cxxv. Altera paullò breuior, pariter meatu  
 infero tendit infrà omnes gradus, & in \* muro  
 podij emergit: ita, inquam, vt in Arenam ip-  
 sam rectà ducat. Tertia via, opposita istis, foras  
 spectabat & vallem montis. Per eam ingressus  
 in hoc Cubiculum: per eam item, vt apparet,  
 omnis pluuiæ & confluges aquarum deriuat-  
 æ è toto theatro cubiculisque. Forma harum  
 viarum similis. factæ omnes in lapideo mon-  
 te, & cauatæ in \* arcum: singulisque altitudo  
 pedum circiter. xii. latitudo, ix.

Situs & de-  
 scriptio eo-  
 rum.

Viæ in altero  
 tres.

\* Nec aliæ in  
 muro illo  
 portulæ: con-  
 trà, quàm in  
 Romano  
 aliisque.

\* Sic tamē vt  
 in acutum  
 parē desine-  
 rent, came-  
 ratione haud  
 planè ro-  
 tunda.



De usu huius  
loci.

Quæ nescias  
Amphithea-  
tralem, an  
Theatralem  
facias.

Sunt enim  
quæ repug-  
nent Amphit-  
theatro.

Et Theatro  
potius adiu-  
dicent.

Cui tamen  
alia iterum  
obstant.

Opus eiusque membra (vt quidem conce-  
ptus & expressio mea ferunt) sic habent: vsum,  
si placet, breuiter & leuiter delibemus. qui mi-  
hi etiam haud satis certus. Nam forma ipsa  
Amphitheatrī videtur: clausum enim in or-  
bem vndique. & vix tamen est vt Amphithea-  
tralis vsus. Primū tumulus ille qui in medio  
surrectior, quid ad pugnam aut cursum? Æqui-  
tatem enim ea res & planiciem postulat, non  
tumorem aut colles. Deinde area ipsa circum-  
iecta, nōne exigua & angusta ad Venationes?  
certè apparet. Quomodo enim satis liber in il-  
lo quindenū pedum spatio, cursus ferarum  
hominumque, ac recursus? An de theatrāli &  
scænico igitur vsu verius est? Non abhorret il-  
le tumulus: qui instar Scænæ rettulisse vide-  
tur, in quā spectari possent & audiri personæ.  
Foramina etiam illa fena, non incommodum  
vsum habuisse videntur, ad actores pro tempo-  
re submittendos aut recipiendos. Choragium  
enim omne instrui in cubiculis illis adiunctis  
occultè potuit: exque iis ornati & parati histrio-  
nes, viâ subterraneâ, venire in hanc Scenam.  
Sed circumiectæ areæ tum quid fiet? cui rei ser-  
uiet? Denique rotunditas illa loci & graduum  
orbis, quomodo idonea Theatro? Vultus enim  
certè

certè loquentium agentiumque, obuerti in vnam partem tantum possunt: nec audiri aut cerni commodè ab iis, qui à tergo. Ideo Theatra hemicycli semper imaginè facta, bono iure. Nisi si fortasse velo aut discrimine aliquo pars tumuli diuisa, & spectatores coacti in graduum \* vnâ parte. Sanè fateor lippire hîc mihi oculos, nec capere vîsionem omnem huius loci satis certò. De gladiatoribus tantum nihil impedire videtur, quin adfirmem. quibus locus in arêâ illâ satis latus, quoniam in gradu ferè inter pugnandum manebant & in statu. Sed quid singillatim circumeo? credo reuera varium & miscellum huius loci vsum fuisse: ideoque formam eius mixtam, nec aptam ad ludicrum vnum. Potuit Venatio in eo dari, sed ferarum paucarum: potuère gladiatores: potuère histriones aut mimi: potuère velut in Stadio luctatores & pugiles. quod ipsum genus ludi, valdè crebrum & gratiosum in prouinciis fuisse, indicat & indignatur Tertulianus.

\*Ita inquã,  
vt dimidiata  
tantum loci  
pars infessa.

Gladiatores  
potuisse com-  
modè hîc  
dari.

Mixtū fuisse  
huius loci  
vsum.

Cubicula quæ ad latus, mihi noua & ignoti finis. potuère tamen instar Spoliarij esse, siue etiam Odæi. quod vtrumque genus adiungi Amphitheatris vel Theatris suis solere, scimus.

Cui vsui  
Cubicula.



Receptacula etiam non incommodè fuerint, ad omnem scænicum aut arenarium apparatus.

De pago ip-  
so, qui anti-  
quus.

Pagum autem hunc, qui Amphitheatro haud longinquus, olim aliquid amplius fuisse: satis conuincamus vel hoc non pagani operis argumento. Viæ etiam antiquæ & publicæ reliquiis; quæ ex hoc pago pertinuit ad pontem Cæsarianum. cuius viæ pars conspicitur; pars maxima corrupta est, & lapides in ædificia variè absumpti aut auecti. Sed & incolæ ipsi antiquitatem aliquam iactant, & Druides sedem habuisse apud se volunt. Ceterum bella vetera fortasse, & (quod magis constat) Anglicana, incendiis quidquid & quo nomine id fuit delerunt. \* Doueonam Ptolomæi fuisse, non vanè ego suspicer; ex nominis quod pagus nunc præfert claro argumento. & collocatio ipsa Ptolomæi non dissidet.

\* Rectè enim  
ex Doueona,  
Doué; Cur-  
tata voce,  
ut solet.

Histriones  
non ita nu-  
per hunc lo-  
cum cele-  
brarunt.


Narrant regem vel heroëm potius, verè magnum Franciscum, anno  $\infty$ . 15. xxxix. circumforaneis quibusdam histrionibus, qui Apostolorum acta repræsentabant, permisisse hunc Amphitheatri locum ad spectacula ea edenda. Illos purgasse, ornasse, & magnum populum contraxisse. ex quo conuentu, qui  
dies

dies triginta perseveravit, multum atque vberem quæstum ad paganos redisse. Eâ re motos, impetrassè à rege, Nequis in posterum illic lapidem excîdisse vellet, propius ab eo Amphitheatro perticas xxxvi. Crebris enim effossionibus, absque eo interdicto fuisset, interitus iam imminebat huic loco. Tantum sciui, tantum audiui. siquid aliter est: mendacium ego fortasse dixi, at non sum mentitus.

Edictum regis, pro  
Theatro.


AMPH.





AMPHIT. DOVEON





c

Ad



AD LECTOREM.

**M**ONITVM te volo, Lector, incidisse me cum  
*hæc scripsissem in Elia Vineti eruditissimi*  
*viri libellum, qui Burdigalensium Antiquita-*  
*tes continebat vulgatâ Gallorum linguâ. In eo*  
*de Amphitheatro eius urbis, hæc ferè. Situm esse*  
*ab urbe veteri CCCC. circiter passibus. Longi-*  
*tudinem arenae eius esse pedum CCCLXX. latitu-*  
*dinem, CCXXX. Vulgò palatium Gallieni appel-*  
*lari, fortasse eò quòd is Princeps exstruxerit. vo-*  
*cari etiam Arenam: idq̃ nomen exstare in monu-*  
*mentis Ecclesiæ S. Severini. Formam eius etiam*  
*vidi & accepi ab amico: sed in quâ pretium nul-*  
*lum expressionis.*

PRIVILEGIUM GALLIA-  
RVM REGIS.

**C**AVTVM HENRICI III. Galliarum Regis Priuilegio, ne quis in omni eius regno libros totos, aut in parte, quoscunque Christophorus Plantinus aut nouos excuderit, aut veteres, sed correctos siue illustratos, aut adnotatos, eosce iterum excudat, excudi faciat, aut excusos vendat. idque intra sexennium à cuiusque libri editione. Quod autem hoc fine, vt ne idem Plantinus, laborum suorum, sumptuumque meritisimo fructu priuetur, cogaturque tandem intermittere aut omittere laudabile suum munus, cum detrimento reipub. litterariæ, & doctorum. Qui contrà fecerit, sciat paratam librorum confiscationem, aliasque pœnas siue multas, quæ Regiis Ediçtis continentur. Cum lege tamen, ne iidem libri quicquam contineant, quod vel Religioni Catholicæ Apostolicæ Romanæ, vel huius Regni Statui aduersetur. Atque huius Ediçti exemplar cum fronti aut calci cuiusque operis apponetur, nullus typographorum siue bibliopolarum vllam ignorantia caussam prætexat. Datum, Fontibellaquæ, quinta Augusti. M. D. LXXXII.

*Signat.*

Per Regem

*De Neufuille.*











RARE

85-B

20975

Inv. #

26



